

養
一
齋
文
集

養一齋文集目錄

補遺

東圃賦 韓氏宗譜序 鷺羣帖跋 北江鄒君

祠版文 循吏靜溪康公傳 史右章先生傳

河南分守河北兵備道莊君家傳 齊東縣知縣

時君傳 薊溪華先生傳 陸祁生札記序

右補遺一卷各體文皆有以蒐得較遲不及入各

類中遂補列于後承鈺識

養一齋文集補遺

武進李兆洛

東圃賦

余往來京洛賃廡閒居直廬之楊已長學市之槐空綠
城闕莫往闔都匪思廓焉歎歎時過東圃蓋觀察潛齋
先生之別墅而吾友山子吳君之清館也王猷竹徑時
或不逢主人文舉酒尊固亦無嫌多容既忘其適良以
爲常當丁卯之紀年屬庚寅之降日賓從至止壺觴錯
然斯遊難忘渺然有賦蓋樂燕好者流譽於嘉樹頌壽

考者托言於栲杻爾乃結構南瀕經始東田密邇苑籞
駢連市廛西潦經其宮南墉阻其前猶得縱橫百步繚
繞數折巷能通嚮門劣容轍膝可容而寶隘塵不障而
已隔非石門之新居是陸賓之舊宅於是刻層蕪課短
町夷觚坳範垣僿徑濕留履籬細中繩上則步櫺四做
連階拓楹旣鄰水榭亦象風亭抗疏棹於高楣洞密牖
於直櫺左則軒號西晴亭號小眠簾經柱史是度是安
橫琴床破攤書榻穿遙芳兮蒔木朝撫兮暮汎柳條短
兮過墻槐蔭濃兮蔽目買海棠兮問香謝天桃兮晴絲

下則叢叢芍藥處處江籬野花無種細葢隨時峯撐拳
石泉瀉盆池吟蟲爭暗儵魚出窺當夫碧雲欲收皓月
初上翠氣滿庭微風承幌爭御藍輿乍扶藤杖攀玩蕙
華低徊蔬壤喜舊菊之未荒訝新松之暗長忘世態於
庶幾寄閒緣於獨賞况乎魚鳥之具花樹之居八院相
對兩駒並驅射牛分脯製鳳爭珠搏文散袂尤足相娛
者也非喬非阿可嘯可歌聖自淡於理愜世常苦乎意
多悟叔山之尊足慕謝客之養疴諒知止其不殆保年
命其奚頌

韓氏宗譜序

韓出自周忠厚之澤百世不替韓獻子又能庇趙孤立之宋氏推續世之始祀程嬰公孫杵臼而於韓無聞然韓氏之胄直與宋休戚相爲終始汴京則忠獻王安陽晝錦之堂南渡則蘄王中興佑命之碑彪炳寰宇蓋亦世德然也吾邑省莊韓氏蘄王裔也王之裔散處宜興無錫間其第十四世曰懷荆者自宜興遷毘陵其在宜興時所居曰省莊旣遷而仍舊居之名名其地積於今十九世矣康熙庚子嘗與無錫連譜學使謝履厚爲之

序乾隆丁卯裔孫重祥續修則惟及省莊始遷本支篤
近宗慎稽核也道光十三年懷荆十四世孫鏘復增修
之懷荆之遷當元季至今三百餘年矣而見丁不滿三
百人然彬雅多文學士里中稱衣冠族焉夫譜者所以
敬宗而收族也族太繁盛則恩意或不能遍及昭穆之
等或不能盡辨於敬之收之道或每有歎焉今韓氏別
譜於無錫而自親其本支此三百人者朝夕相與處而
尊卑不得紊愛敬之心藹然自生且自念其族之不蕃
必益勉爲善相維相保之意膠固而不怠歲時祭祀高

曾位列肅若在上子孫昭穆秩如在下忠厚之本敬宗
收族之誼得矣以視世之後闕閱遞牽附以自榮其門
第誇詡其強盛而罔然於敦宗之本圖者相去何如哉
鏐有聲庠序 又嘗從余兄敬甫遊子故樂爲稱道
以爲凡輯譜者圭臬也道光十三年歲在癸巳孟冬之
月

鷺羣帖跋

世傳黃庭內景小楷爲是右軍換鷺書外景楷則香光
以爲楊義和書唐以前別未聞有右軍草書黃庭宋徽

宗乃刻此自題之而宋以後選刻家亦無及者故前人
評品無得而詳余偶得此甚秘之示涇包慎伯絕歎賞
以流傳無緒疑黃山谷贗爲之予謂其瘦勁則山谷能
之古奧則山谷不能懷素自叙似得此法而肆而不靖
道君絳霄文亦有意而俗而不淳戲鴻所刻謝客詩頓
掣不若此流行自在且其筆中時挾篆籀遺法當非右
軍不能吳江吳山子以予言爲然江陰陳學博子珊驚
異此帖借以屬孔君省吾雙鉤重刻省吾竭數月之力
始成之極得真際蓋唐人碑板今人無從擬似宋人之

卷一 卷之二
不
作尙有牆壁可傍也自是此帖遂得不泯于世子珊之
功也夫

北江鄒君祠版文

道光七年六月七日有來謁暨陽書院者視其刺曰鄒
循安延之坐且拜且言曰循安道鄉公子孫也不幸少
失學鄙固無所知惟念先人砥志厲行終身困頓不求
知于人人亦莫有知者竊聞先生搜輯鄉黨文獻片言
之善必甄而揚之故敢奉先人行狀及所爲詩以來儻
憐先人之艱阨而錄之鑒循安之誠而徇其請則道鄉

公之庶世子孫之幸非循安所敢專也兆洛敬受其
狀而讀之蓋距君之塋二十年矣而循安充充盟饗若
始喪者然兆洛雖不文其可以辭君諱牧字牧村又字
北江道鄉先生二十六世孫世居武進縣西北鄉之王
下村祖祖虞父金緘生二子君其仲也生四十四日而
孤太夫人袁氏撫而教之比長勤于學工舉業而不售
以餘力爲詩章通許氏說文解字之學習篆籀善刻印
家素饒君之兄喜交游爲任俠盡破之君不以屑意乾
隆五十年歲大飢無以自活從其從父某河南開封府

不遇因于逆旅時舉尚書沅巡撫河南有以君名告者
遂延人幕尚書幕故稱多士如吾鄉洪編修亮吉孫觀
察星衍徐孝廉嵩錢參軍泳皆在焉相見無不傾契也
既尚書督兩湖君留河南張公松孫幕數年孫觀察星
衍由刑曹出爲山東兗沂曹道往從之適吳宮保熊光
閣藩河南延君入幕數年聞太夫人病馳而歸太夫人
病尋愈而君侍養不復出嘉慶九年太夫人棄養君亦
無意世事矣又以貧故十二年從江西憚君散子居於
瑞金至則憚已星悞謝事浮沉旅邸者二年循安往省

乃侍以歸歸逾年而卒年六十嘉慶十四年四月也君
與人寬和無競心而自處極方介惡衣惡食處之晏如
當其窮不可度或告以利圓隨人衣食且立致君笑曰
吾寧玉碎耳以故雖所至未嘗無逢迎而不能自潤困
于逆旅則束手高卧而已其困于江西也閱二年不寄
家書家之人怪之循安請于母徒步往輾轉問逆旅乃
得諸會城南七十里之市汊已卧病疲劇矣所爲詩皆
愁苦之音後見洪孫諸人自以爲不如遂絕不爲屬續
時索筆書讀書明理修德保身八字以示二子無他言

因誦西堂集玉鈞斜賦流涕被面未終篇而逝嗚呼其
亦有不得于中者矣所謂不屑不潔者歟君娶蔡氏生
子曰大有繼娶賀氏生子曰循安曰復安復安未娶而
卒大有後君五年亦卒娶謝氏無子循安娶 氏生子
才三齡耳循安刻苦自勵能繼君志誠篤修謹與之處
者皆愛且信之游諸侯間積十餘年稍蓄精入可溫飽
矣道鄉舊有祠屢壞而屢復比又圮循安倡其族振而
新之身走京師通告于當代鉅公求爲記并題楹之辭
既得之欣然載以歸若裝千金人多奇之循安曰此吾

先人志也愧行能無似無以慰冥冥贖不孝罪此視吾力敢不勉乎予以道鄉不爲生死禍福秋毫顧慮而君歷困頓窮約不喪所守可謂無忝乃祖故爲此文俾循安書于祠壁後有表君之墓者可取諸此焉司馬子長有言季次原憲終身空室蓬戶褐衣蔬食不厭死而後已而弟子識之不倦嗚呼今之爲季次原憲者豈無其人哉是在識之不倦者哉

循吏靜溪康公傳

公諱基淵字靜溪山西太原府興縣人明康對山先生

支裔始遷祖登有十二傳而至公仍世有聲庠序中乾隆十七年壬申科進士歸班候選二十八年選河南府嵩縣知縣治官事如家事博求利病而洞審其原委推行有序必將以誠嵩山縣也地磽瘠少曠卽歉濬伊水舊濬渠十一道明末湮絕按行舊趾乘農隙勸民復之而山澗諸流可引溉者創開大渠四小渠六渠身高下不一則於首尾中分設三閘以畜洩之水勢湍急則設閘渠口防沖漲田仰渠下則教之爲水車引溉凡開渠十八灌田六萬二千餘畝民賴其利巡撫阿思哈上其

事奉

上諭交部議叙以邑民情淳厚其士皆勤慤簡質有古
周南遺風而貧寒子弟童穉則相率嬉戲稍能力作則
樵於山傭於市有終身不見禮讓爲美詩書可貴者乃
核絕業地若干因廢基建社學城關爲倡訖於四鄉三
十二所地之相去或十里每社修脯以二十金爲率悉
損集公私絕產廢業地三十五頃銀八十兩錢五百六
十餘千取足敷用擇本庠通亮之士專心教授酌定學
規從事於踐履實學蒿土貢百合以本草云百合生宛

胸也嵩西南連宛朐故蔡莽間亦時有之特生而難成
率在遼谷危崖間披荆棘犯虎狼乃得之民深苦焉公
商於土之人購宜種地於西郊凡四十畝分六區歲可
產千餘斤五年一取復播種周而復始股引賈若小防
其旱募田夫給工食以耑其任因建亭樹柳藝桑鑿池
爲久遠計時太夫人迎養在署夏則清暑其中四郊婦
女咸來起居或有勃谿時一赴愬間賜果餌歡如家人
逮太夫人卒男女臨奠日數百人卽百合園立祠歲時
祭焉嵩有桑而植不繁民不知蠶公勸以種桑教以種

植之法建先蠶祠繪蠶織之事於壁以道之由是蠶絲
之利甲旁邑迄今以嵩紬嵩絹稱乾隆三十四年始服
闕選甘肅鎮原縣歷宰皋蘭升肅州牧其爲治一如在
嵩其去肅也州人士爲之建德政坊而最其政十六事
刊而布焉一曰修洪水渠渠舊築峻壘岸崩沖而下爲
田禾災公度形勢於南石岡別鑿渠口行戈壁之灘避
沖陷之害二曰開興文渠野豬溝有古荒田縱六里橫
三里因無水而廢公詢訪耆舊於柳樹關龍口加寬六
分別開子渠一道界荒田爲七區招七佃戶每區設租

十二石額糧則佃戶自納而以其租給各社學之師命
之曰興文渠三日改屯歸民肅東南九家窰鑿山後渠
開屯田招民佃種移駐州判主之田漸薄瘠不支官役
之供民以重困公請汰州判改屯升科而民有恒產四
日籌置歲修五日均清水下堡水利六日勸民種樹肅
民樵蕪遠取諸邊墻外日費而價貴公相東北郊外廢
灘不堪種藝勸民於農隙濬溝以洩鹵鹹種楊十餘萬
株募民有行誼者董之建利民亭三楹守戶住屋八楹
以守視之徧諭鄉堡可種樹處如式種之彌望樹陰踵

而增者無窮薪樵不外取矣七曰建置社學肅屢經軍興之後民不知學公蒞任籌建其廿一所其學舍則修葺廢廨及廢梵刹之基歲修則取諸各社無主絕業脩膳則取諸興文渠地租師則取本學生之有學行者以社之老成人董之不許紳士捐助里保派擾定學規十六條崇實學以端蒙養八曰籌設鄉會試盤費九曰建倉便民鄉保邊山距城遠者徵收糧石借貯民房至四十餘處既已久假不歸又復早夜警守公憫之請於金佛清水各建倉二十餘間清還民業十曰時發籽糧十

一日催科不擾十二日嚴禁賭博十三日詞訟速結十四日禁革差務派累十五日鋪行逐月發價十六日革除番民派累肅南三山口有黃黑數種番民向通茶馬更無征求軍興時皮革羽毛等暫着採取後沿爲例名曰給價藉以需索諸番苦之公言諸鎮營悉與裁革四十四年擢江西廣信府知府廣信民產女不舉而溺之公愷切勸諭爲之厲禁又令接生之婦人給穀七石足資口食有溺者首之設嬰長一人給田十九畝使之稽察女嬰不需乳哺而貧不能養者嬰長暫育之以所活

女數列冊呈官因推行於各鄉及所屬邑活者無算越
一年七月甘肅監糧獄起公暴卒於鉛山舟次公爲學
務究根本故其爲政一自其胥中之誠孚之在嵩時凡
開一渠建一社學皆自爲記尤班班可考其社學記序
曰古者教民之道詳矣周禮州長閭胥各掌其政教治
令以屬其民自二十五家以上莫不有學焉蓋無一民
無養亦無一民無教其養也作其勤去其擾其教也俾
胥安禮義胥率親睦道本無二施爲亦非有先後是故
無不足之民而後可以爲良民無不良之民而後可以

爲善國富厚之家克興禮讓養之隆也日誦聖言希榮
于祿教之敝也教以讀不若教以禮孝之禮曰順而溫
清晨昏無方之節詳焉弟之禮曰敬而序立隨行饋酌
之節詳焉循乎溫清晨昏之節知順而知其爲孝循乎
序立隨行之節知敬而知其爲弟則教之道得矣嵩邑
土田磽瘠民用不舒家鮮專塾夫民不贍於日用而以
興仁讓難矣不興仁讓而強凌衆暴奚以保其日用爲
長久樂生之計乎予任事期年籌建社學三十二所酌
定學規俾從事踐履日循子弟之禮而詩書之文可通

也日由順敬之實而孝弟之名斯在也人知親親長長因而知不獨親其親不獨長其長所以爲教卽所以爲養也若夫侈興學之名循之而無其實使士獵虛譽民增浮偽并所爲養而失之則予尤滋之懼矣所著南圃文鈔家塾蒙求女學纂行於世卒年五十二乾隆五十年公兄茂園資政薨公於王屋山下之任家窶子七人紹鏞成進士歷安徽廣東湖南巡撫

李兆洛曰自學問之道不修而士大夫之心幾不可問矣冒於榮利偷於進取甚者憑權自恣如虎而翼間有

知自立求有益於國是民生者則擇較然衆著之事督
束粉飾以收民譽否或毛舉細故滋其苛碎蓋誠正之
未明格致之功無由以達其於鉅細本末何以得其曲
折審其緩急求之於心曾懵然而不知尙安問其施爲
之實也哉此天下之所以無善治而民生之所以日益
愁苦也如公者可謂篤於學而信之於仕能設誠於內
而致行之者哉予故備著其事後之傳循史者有考焉

史右章先生傳

先生諱次星字右章又字和叔髫年穎悟誦讀兼人家

計窘困從祖鐫文客授句容攜而課之比弱冠嶷如成人志學彌篤遇耆長尊宿奉手請益孜孜無倦色先達蔣用庵侍御深器之遂以能詩稱重交遊間既隸弟子籍發憤舉業屢試不售二親歿卽絕意進取橐筆爲諸侯賓客所至倒屣所主必朋舊合意者未嘗泛及介不容私或求關說揮之若浼積糈入稍給朝夕終不買田宅求饒益親友緩急相告時時傾其囊常曰財以利用也用之當人我何間焉封已自守有財何益感鐫文提携之德鐫文沒而妻及子婦相繼喪遺孤孫緒新才十

歲子立無倚先生爲買墓地於秦望山之麓奉四柩而
葬之攜緒新歸擇師教之迄補弟子員兩兄早世先生
撫其子如子晚節不樂遠遊就近地里塾爲童子師後
進中有秀穎好學能吟咏者輒獎借與相唱酬陶然自
適也與先大夫及山畫周先生爲儒素交甚歡先生里
居日少兆洛曾一謁先生於里舍先生爲置酒五子更
迭下饌奉酌佐飧私心竊以比漢荀朗陵焉馨歎清和
言笑溫婉而方嚴之氣自溢詞表爲詩文自抒襟抱真
淳藻美不標立畛域持古人長短讀者如親有道風旨

也君之葬從祖父母從父母兩世也以從祖父與祖父同穴以從祖母與祖母同穴蓋世俗惑風水之說往往持此吉彼凶之論以生牴牾如先生之爲則禍福常相共矣此可以息私見平忿爭合葬非古不必以夫婦異穴爲疑也此葬家所未嘗有故特嘉而傳之先生卒於道光六年九月年八十六所著霍堂詩古文集若干卷釋譜若干卷子五人長兆川縣學生與兆洛善

河南分守河北兵備道莊君家傳

君諱振字龍見號修臚姓莊氏自宋南渡時自丹徒徙

金壇明永樂中始定居武進八傳曰廷臣萬歷庚戌進
士湖廣左布政拒魏璫建祠祀名宦曰楷康熙癸未進
士官國子監司業是爲君曾祖曰秉中康熙庚子舉人
由內閣中書改陝西扶風縣知縣祖也考曰敏來贈中
憲大夫妣張恭人君十三歲而孤家故貧弟妹皆幼繼
祖母于太恭人之姪爲藁城令太恭人依之君從焉時
從父亦和官大興令一見器之携謁同鄉劉青垣少司
馬及從父養恬少宗伯兩公負人倫鑒亟賞之再試京
兆薦而不售選膳錄又以本籍狀申後期失之乃寄籍

清苑由考職加捐從九分發陝西君慎於言練於事洞
達人物情僞遷變每奉上官檄察州縣公事皆辦補城
固縣典史未幾以承重丁于太恭人憂服闋補西安府
司獄署咸寧縣丞獲鄰境夥盜送部引

見擢知縣補韓城君爲政能以誠意感人民有爭父遺
產十餘年告訐不已君引入見各已白首令比肩跪前
巖問其父母在時事久之喟然曰而父母至今存而兩
人固無閒言也各以老大將見父母於地下其思畱面
目以見之乎訟者乃相持慟哭盡讓所爭與季弟孀婦

其治獄多類此會嘉慶元年四川等教匪闖入陝西巡撫秦承恩督兵勦之檄君自隨條畫皆中機要十二月賊擾興安據將軍山爲營官兵仰攻多傷君請無攻而潛引兵擇山勢與賊壘對峙者築臺其上發巨礮擊之賊股栗號呼乞命遂破降之以聞

賞戴藍翎興安在漢水北賊渠張漢潮由郿襄竄入紫陽石泉川北賊亦由隴山入臨漢欲渡城中守兵才二百洵懼君請曰民船盡聚黑江口若拘集北岸則賊無以渡乃往拘之漢南民避賊來者衆郡戒嚴禁弗內君

於路嚴詰賊諜獲衷甲者三十餘人下諸獄餘悉縱以
入屬里甲編管之所活數千人返巳日晨軍書蠅集隨
擘畫之燭未跋而畢巡撫嘆曰數刻中了七十三事霹
靂手也賊旣不得渡又所遣間諜被擒不得虛實遂退
走興安解嚴南山郡邑皆爲教匪蹂躪而平利尤劇土
匪乘間竊發民益擾檄君治之馳往偵得劉添文等十
三人勦無遺類乃按行村落分別流民土著給以資衛
以兵各歸其鄉井并借籽種安其生業瘡痍莫不拌舞
曰使君生我巡撫上其功

特旨以同知直隸州升用君隨營久往往露處因病足
乞假還省而新撫台斐音方至檄山南堵禦君以疾辭
以爲規避革職留營効力旣而羽書旁午無與綜理乃
仍致之幕府君方畧井井台大器賞奏請開復

上未俞則具奏引咎自劾

上命新撫陸有仁覆察陸前陝藩稔君賢復奏得

旨予開復六年奏補乾州直隸州知州八年五月賊平
論功制撫交章入奏

賞戴花翎君前以隨營贊畫辦善後事宜未嘗至乾州

任也會侍郎初彭齡赴陝讞獄知君明任奏請帶往山西因入都引見奉

旨準補乾州直隸州知州九年三月張太恭人病忽謂君曰昨夢汝父以四品服易予服易之病若失其待沾晉一階耶君遂援衛工例加捐知府以品服入太恭人果少間至八月竟棄養扶柩歸塋盡哀盡禮見者稱嘆關西寧陝兵變繼勇侯德楞泰奉

命往勦習聞君練行間事延以往事既解

上又命侯閱川陝行伍復奏以君自隨所至汰老弱厚

給賞將士皆奮十二年遷漢中府始旋泄事漢中毘川東地爲教匪出沒衢道民失業餘匪艾冒頂等號紅籤賊時出苦行旅君悉殄之川北民利食川鹽而陝故食山西鹽主鹽者專官治之與民爭利禁督生事官民交病君請漢中一府鹽課悉歸地丁巡撫爲奏定至今稱便郡有渠蓄水以溉久而淤豪強佔之復親履勘捐資濬治以田畫界時其啟閉貧民賴焉沔縣武鄉侯祠土豪利其杉檜斬伐之君懲其魁永止之後引見交軍機處記名

召問營事奏對稱

旨尋擢河南彰衛懷河務兵備道君自以河工非所習博求古今治河之書訪求素悉河防者相與講稽利病僚佐及河卒有一言可採必虛衷諏詢在任三年防河之費減於舊而工固於昔彰德竇公河爲轉漕運鹽道頗淤墊水漲不能容漫溢爲民田患水消則無以行舟君設春秋兩濬法春以收潦秋以通涸公私利之十六年春以積勞病喘當伏汛輿疾赴工遂以五月二十八日卒於荆隆工所年五十六君所在有惠澤去而人皆

思之家居日少於尊祖收族之事無所不盡其在官時
來相依者生而館死而殯經紀必周姻黨中婚喪待以
舉者又指不勝屈也配項恭人前卒側室葉安人子一
葆誠

李兆洛曰君在軍中十餘年其所處可謂盤根錯節而
所至輒迎刃解蓋周詳沉密應機立斷所謂動刀甚微
以無厚入有間也以此施之於居恒條教宜乎用當其
可澤被於物矣爲政於家肫摯而敦和御於戚屬慈惠
而用溥則又所謂自本自根沖融流洽者也

齊東縣知縣時君傳

君諱銘字佩西號香雪世爲嘉定人以行義稱鄉里考西岡善醫多活人妣王孺人君敏於讀年十八補弟子員二十三而中乾隆己酉科江南鄉試性通脫簡伉輦中皆下之試禮部嘉慶乙丑科始成進士引見用知縣親老乞選近省發山東候補而西岡公卒奔喪還服闋赴補嘉慶十三年補昌樂縣在任六年以官引滯銷解其任銷額實已及數而商輸逾期事得旋白時教匪林清滋事昌樂爲東鎮孔道君方調度軍需乃留君協新

卷之三十一

三

任事者領之事竣代理安邱十九年補齊東縣二十四年大清河決泛濫縣境漂民田廬萬數君撫之賑之吏無侵牟民不失所道光元年以催科不力劾罷君居官廉苦不爲刻急慎重刑獄牘無淹留常曰不能得情勿矜果斷尤愛重士類有犯往往曲意保全之捐俸修東皋書院親督課齊東已數十年缺貢士其後科目甲旁邑其去官民挽留之數月不得行爲設祠於城南樓歲時祀之蓋君旣落落少可又不肯爲上官唯阿故藉事斥去旣去官不名一錢晨炊每斷又以負官錢訟繫之

不得歸其冬太夫人歿於家聞訃益悲鬱遂得未疾七年三月卒於濟南寓邸年六十一配吳氏子曰淳側室翁出君家故貧身後以官逋盡沒其田廬予與君同舉禮部而未嘗識面君歿後六年日淳以行狀并所爲詩詣予詩曰掃落葉齋稿以年歲序次如日歷生平遊處大略可考別有文稿二卷外集一卷隨筆二卷六壬錄要十卷筆筭籌算圖一卷唐宋詩選十卷藏於家

論曰余嘗讀君詩寬裕肉好無焦殺音處困頓不改其致尤樂道節義事沉摯悱惻仁容義概宛轉流露未嘗

不想見其爲人以拙於催科不當上官意而遺愛所及民烝嘗之是亦無藉叔敖寢邱矣曰淳秀出有節食貧志學可不墜其世故爲之傳以待後之人

薊溪華先生傳

先生諱

考諱

祖考諱

官江西貴溪縣令時生

先生於署故字曰薊溪無錫華氏自南齊孝子後爲邑望族代有英哲而先生潛德自怡鄉黨間無有能測先生者幼爲貴溪公所鍾愛徙宦江西者十二年貴溪公去官客授弟子於鳳陽於杭於京師先生常從一時名

流奉手願交者甚衆年二十四喪父未幾貴溪公亦棄
養先生以貧爲客遊自浙而皖而粵而豫歷二十年非
其志也歸而杜門讀書願性不交一人優游杖履者三
十年年八十二以卒道光十一年十月六日也工畫出
手輒精詣畫家者流皆稱重之先生不自矜貴求者輒
與著畫法參論二篇輿到或爲小詩不求工配顧夫人
能借隱者也子希曾耿介類先生工書亦有聞於時希
曾與兆洛交如兄弟嘗登堂拜先生冲澹粹穆若在埃
壘之表胸無芥蒂口不臧否而和正以廣溢於詞氣其

東郭順子之流歟

陸祁孫札記序

言爲心聲信然哉凡工於言者未有不肖其心者也惟其心肖之則并其聲音笑貌亦無不肖之矣予最愛祁孫詩每郵筒至開緘誦之不終篇而栩栩然如坐祁孫於前而與酬答也祁孫往矣劬聞屬予序其詩輒恟然於平生拊手笑言偃仰悲歎閱不終卷齋咨涕洟不復可止竟不能成旣又刻其所爲劄記寄予屬爲序讀之其聲音笑貌如見祁孫也祁孫吐屬蘊藉託意逋峭雜

座中或援引故事或商榷今古祁孫談言微中娓娓不倦傾聽者馱心焉劄記之作蓋編次其對客之語及爲校官時所以語及門諸弟子者中間多予所與聞義理不必深微考證不必精鑿要是隨學力所及平心易氣而出之不爲矯飾無有偏詭足以引翼後學於近人中阮亭居易錄最爲近之夫一人所見一時之言豈必有當於道而其中偶有一得往往遂爲不刊之典據故不可廢如居易錄者亦特其門生故舊因可見阮亭之聲音笑貌而存之已耳而藉藉流傳耳目遂至於今固亦

有取焉爾矣予今有取於此書亦以聲音笑貌所存也
况劭聞乎其將來之藉藉耳目間與否則亦視乎後之
人也予與劭聞俟之而已

養一齋文集校字

從高君式之處抄錄

卷一

三頁七行第八五字下添側字○五頁九行第一

字下添一尺二字○六頁十七行銃字下添圍字又

去字下添二字○七頁一行廣字下添也字○又九

行小字下添小字○又十三行第十六鉦字去○又

十五行爲字下添之字○八頁第三行首鄭字上添

小鐘十分其鉦間以其一爲之厚十三字○又十二

行則字下添側字○十頁十七行知字下添其字

卷二 一頁八行子下添柄字○又十行起下添之字○

又十三行鄉下添

文

○又十四行集下添

而已

二

字

○二頁一行

某某

二字改

禾字

○又二行集下去

聚其族之人

五字

○又五行者下去

矣是爲序

四字

添皆先生之默有以誘導之也已禾以校讐之事屬

兆洛刊既成因致企仰之私焉道光十一年八月三

十八字

○四頁十三行第十三字下添

二卷

二字

○

又十五行第六字下添

筆記五卷

四字

○五頁六行

消字下添

隱字

○又十一行哉下添

可勝悼哉

四字

○七頁十八行末添

道光乙未年

五字

○八頁十行

則下添鄭字○又十二行府字下添歌行二字○又

十七行十一字下添髻齡作詩古文詞已見推於老

竊年二十領鄉薦而卒二十一字○十四頁七行去

第三苟字第五固字○又九行之下添也字又十行

者下添矣字○又十一行者下添矣而二字○又十

六行端字改偏字○二十四頁四行生下添分字○

又六行去呈字○又七行乙覽二字易御字○

卷三 一頁十三行去老字○二頁十行去其字○三頁

入行遠下添矣字○又十三行人下添以爲是特可

教於家耳 九字 ○ 四頁二行也下添 道光歲次旃蒙

協洽辜月 十字 ○ 又七行如字下易 窮島極繳宙合

未通 八字而字下易 奇險所闢跬步皆實 八字 ○ 又

九行 述者二字改一 造字 ○ 又十一行 儒字改 諸子

二字 ○ 又十五行去 述而不作 四字 ○ 又十六行第

二字下去 好至 曰 十字 ○ 又十七行信字上添 又曰

好古敏以求之 八字 ○ 又十八行逢下添 其字 ○ 五

頁一行連二行去 易至 成 十字二行書下添 次子楫

冀會刻夏小正數種未卒業 十四字今下去 其字幼

子下去
文灝始 三字添
邠農盡以 四字 ○又五珊下

添
穉冀 二字 ○又六行也下添
則邠農之勤勤刻是

書者誠不可緩矣 十五字 ○七行皆下添
穉冀沉默

如先生思究古文甲乙篇終始補成之而未及竟

十三字 ○又傑然下去
能字 ○又十七行名下添則

以博筮爲賤而避其名 十字 ○六頁六行去之說二

字 ○又八行夫下添
聖字 人下添
神字 ○又十六行

第五字下添焉字 ○七頁十一行去可字 ○八頁二

行及下添其祿二字 ○十四頁四行疏下添但字 ○

十八頁十一行也下添

道光十一年十一月

八字

○

二十一頁七行第十二字下添

畏死剝員委曲

六字

○又十七字下添

又字

○

二十二頁七行門字下添

縣字

○

二十五頁九行之下添

以字

○

又十五行故

下添

不字

○

二十九頁三行理下添

者字

○

三十三

頁四行第十八

方字去

○

又十二行徒下添

取字

○

又三十四頁四行請下添

而字

卷四

二頁十八行末此下添

云字

○九頁十行去

刻字

○十九頁九行朝下添

則字

○

二十四頁九行家下

添親字○二十七頁二行時下添時字○三十四頁

六行者下添焉字○三十八頁五行家下添焉字○

四十頁七行尙下添可字○又八行也下添道光已

丑三月六字○四十一頁八行爾下添道光九年八

月六字○又十四行第一相字下添誇字○四十三

頁十五行第十二字下添矣不異處窮五字○四十

七頁十八行夫下去文集二字添袖海樓雜著五字

○四十八頁八行干下添卷字○十七行第四字下

添目元和三字第五字下添知字第十二字下添五

字第十三字下添七字第十七字下去其署二字添

於官舍三字○又十八行第十四字下去尋至之五

字添童時所三字○四十九頁十八行刊下添行字

卷五二頁十三行首又上添廳三二字○四頁八行第

十九字下添昭字第二十字下去蘭字添達盟同盟

之族十一日錫林郭勒盟同盟之旗十日昭烏二十

二字○又十二行徵下添調字○八頁十六行去上

編序三字○又十七行首著字上添上編二字○九

頁四行之字下添者字○又八行去中編序三字○

又九行首著字上添中編二字○又十六頁去下編

序三字○又十七行著字上添下編二字○又十一

頁十四行皇字擡頭○十三頁二行首以字上添亦

字○又十一行首去序曰二字○二十一頁四行未

字下添穀字

卷六 十頁九行首藝字上添制字○又十行第六字下

添所字○又十一行第八字下添甄綜二字經術下

去湛深二字○十四頁七行先生下添所字○又十

行爾下添道光十一年十月七字○十六頁五行其

下添將字○十七頁十行在流易流在二字

卷七

一頁九行連十行月字下去武至洛五字○八頁

二行矣下添

道光戊子十二月○

又十八行國字擡

頭○十四頁十行第二字下添曰字○十五頁八行

第三字下添

常人至性流露亦行所無事而已不知

其竒且變也

二十字○又十六行第一字下添爾字

○十七頁五行云下添道光十一年五字○十八頁

三行第二十字下添

用筆結字截然分途各詣其極

十二字○

又四行去

神出二字○十九頁三行月下

去廿至齋十四字○又十四行國字撞頭○二十頁

四行度下添亦字○二十一頁十七行去公字○二

十七頁七行焉下添兆字○三十二頁四行正氣易

氣正二字

卷八 九頁三行連四行去某至人十六字添執事二字

○十二頁七行方下添錄字未下去錄字

卷九 二十六頁十一行去例至人四字十二行去例至

郎五字

卷十 一頁十一行易下添之字○八頁十五行定下添

焉字 ○九頁十二行今下添將字 ○二十二頁二行蹤

躡遐 易 躡遐蹤 三字

卷十一 九頁十一行首久止添永字 ○十七頁一行叙

下添者字 ○十九頁十五行孫下添在錫者其振起

譽望卓爍於時者久未有聞矣新祠旣成子孫 二十

四字 ○二十頁十一行族下添其子載策載簡載典

承其緒而恢之 十四字 ○二十四頁十二行興下添

譜法興 三字 ○二十六頁八行下字下添而字 ○三

十頁十四行立下添置字

卷十二 一頁十一行也下添應字○又十四行者下添

垂字○二頁十三行可下添既至二字○三頁十六

行昨下添日字○六頁十四行旋下添復字○十五

行部下添試字○七頁十八行後下添雖字○九頁

二行去首救字封字當接連前行也字○三行朝字

擡頭○六行君下添迄字○九行引下見字擡頭○

又十三行去必求其情四字○十五行去信至已六

字又情下添而信於心四字○十頁六行去被殺於

三字添死字○七行去至字易在字又去中字又去

縣字易令字又去公字○入行而下添身與二字又

去上身上三字○九行去既字又去署字又去注字

○十行居下添室字○十三行去色字○十一頁二

行去也字○三行去是至也七字添耳字○八行刀

下添具字又獄下去立具二字又梅下去氏字又呂

下去氏字添呂卽二字○九行眷下去有奸二字添

通字又導字下去奸字易淫字○十二行控下去案

至二字添院下行三字又省下添省字○十五行省

下添辦字○十八行易梅下添爲異二字○十二頁

五行贖下添有三二字○十四行第十字下添陽湖

二字○十六頁十三行陰下添縣字○十六行文下

添予字○十八行九下添始字○十八頁三行孺人

下添孝敬慈和動必中禮實與先生齊德十四字○

又十二行首傳字上添五字○十九頁一行去乙至

委十一字○二行至四行去戊至未三十五字又去

庚戌以三字○六行去流縣下知至寅四字○七行

去第一字下縣至署五字又去陽字下縣至署五字

又都下添墊江二字縣下添事道光三字○九行第

十四字下添 戊子 二字第十六字下去 某字添 二十

五三字 ○又十行色下添 奴童忤意亦從容導之 九

字 ○又十五行首青字上添 在忠州擇地創建署解

民病涉建會通石橋長二十餘丈 二十二字 ○又十

十六行清下添 丈字 ○又十六行縣下去 令字商下

添人字 ○二十頁一行匪下添 經字 ○又五行乃解

下添 廟磯灘水勢險惡漂民舟乃募民鑄鑿險者以

夷 十九字 ○又之下添 巉碑梁 三字又水下去 勢字

險下去惡字歧下添 行字迷下去 渡字添 所向二字

灘下去間字易際字○又入行去中字○又十行纂

下添刊之以贈司牧六字○又十二行著下添遊齋

二字○又十三行弟下添明淑莊慎實踵美焉入字

○又十四行孫下去一人二字添師契曾孫士麒士

騶以某年月日葬德澤鄉曹橋村之原二十二字○

又十五行去以至持入字添以字○二十一頁四行

去贈至夫五字○又五行去贈至夫五字○又六行

去贈至官四字又去贈恭人三字又去累至人五字

添自會祖以下皆以君貴各贈封如君官十五字○

七行連八行去諸至是十字添邑學生員四字偶而

下添屢挫二字試下去屢誦二字○又十三行首疾

上添屬字○十六行用下添八月二字檔下添癸酉

二字○又十七行事下添旋字○十八行稿下添乙

亥二字江下添司字審下添丙子派辦本司秋審入

字○二十二頁二行官下添派秋審處坐辦六字○

又十一行祖下添父字○二十四頁四行宏下添敬

身成親口順以貞八字○二十五頁二行畫下添盡

善而後行五字○又十三行去已字十四行失下添

已字○二十八頁二行賜字擡頭○又六行伯下添

埭字○又十七行宜下添護字雖下添逢字○又十

八行請下添贖字○二十九頁二行去涸字○又八

行去愈字添而逾二字又而下添教字○又十二行

氏下添嫻於詩禮克嫻公德八字○又十五行士下

添卽用知縣四字又潭下添縣字○三十頁二行善

下添嘗字○三十一頁八行補下添寶字○又十三

行弊下添諸字

卷十三 四頁十二行觀下添 山東候補鹽大使 七字 ○

又生下添

女六石埭陳楷同邑管通羣候官陳功山

陰陳樾光山黎學淵皆其婿也

二十八字○又十四

行主下添講字

○又十五行

從遊

易

遊從二字

○又

十六行去末一字添

豐南二字

○十二頁入行氏下

去

說文二字添

書字

○又十三行去

朴字又拙下添

濳苦奧

三字

○又十五行勝下添

雖險遠必至

五字

又連十六行去

至或二字添

及往往

三字又去所至

至七字

○十三頁七行去

才三十六

四字添

方壯二

字又九行去

義字添

疑續三十條

五字又刻下添雜

字○又十行文下添及字○十八頁四行於下去新

阡二字添豐東鄉排畝先塋七字○又十行闕十易

十闕二字○二十五頁七行去小缺字添蒙山下以

自號焉歲貢生候選訓導少卽俊邁於書無不讀三

十三字○三十八頁二行首護上添若字○四十二

頁三行首如上添啲字○又四十四頁三行與人下

添交字○又七行日下去夜字○又十四行地下去

曾字添於花均三字○又十五行焉下添其年十一

月二十日也九字○四十九頁十七行哉下添更數

十年致身鼎鉉渥啟峻封自出手筆鋪敘明德如歐陽文忠表瀧阡於六十年後如目前耳余雖文不逮熙甫其敢不以是爲秕糠之先

五十四字

○五十頁

五行近下添

得字

○又十三行毅下添

類字

○又十

五行者下添

其施於家熙然天和

八字

○又十七行

第十三字下添

愉婉端慤讀書識大義

九字

○五十

一頁四行連五行去

則至

其七字添

天之厚其德者

豈偶然哉使後之摩挲是碑者以爲此歐陽文忠許文穆之所以

三十一字又也下添

則字豈下去偶至

云十三字添第茲碑之不朽已也入字○五十三頁

四行畧下添奏字○又六行故下添所至謳頌四字

○又九行枉下去者字添予省釋三字○十行首聞

字上添中字○又十一行第四字下添幾遍二字○

五十四頁一行去得之二字添造字○二行者下添

道光十一年八月七字

卷十四五頁十五行弟子易子弟二字○九頁七行歲

下添時○十五頁九行修下添官字○十八頁六行

去奏至下四字○又十二行任下添以爲山東士風

樸實不難迎機利導乃諄諄誘掖使之樂從至於良莠不齊非種宜去則擇其蕩檢踰閑大爲風化之害者痛繩以法使之自儆若安分守法陷入文網者則委曲愛護之必白乃已嘉祥縣故南武城也故有宗聖書院曾氏子孫微弱民有爭其地以爲己業者肥城令因事辱有氏博士公皆直之士論翕然一百二十三字○二十頁十五行固下添律字○三十六頁八行民下添賴字○三十七頁十四行求下添其字○三十八頁十四行迭下添相字○三十九頁十行

璣下添衡字○又十二行是下添於孝廉方正之舉

可以無愧十一字○又十八行去氏至人四字○四

十頁一行去氏至人四字○又二行去氏至人四字

○又三行去氏至人五字○又七行家學下添粲粲

彬彬望之若王謝子弟別見標格十五字○四十一

頁九行能下添爲字○又十一行君下添晉卿又行

輩小於君八字○十七行外下添酬字又應下去接

字○四十二頁三行去於字○又四行潤下添縣學

生三字

卷十五

二頁十一行可下添

屢受二字

○四頁一行師

下添而字

○又三行與下添

大槪二字

○又二十四

行行下添

程朱之行而誇言

七字

○五頁十一行第

七字下添

年字

○六頁十行云下添

道光十一年二

月七字

○又十一行珍上添

莊字

○十五頁十七行

版下添

行字

○二十五頁七行歷下添

身字

卷十六

入頁五行此下添

文字

○十頁八行子下添

二

字

○又十四行獲下添

計字

○十一頁七行與下添

其字

○十六頁八行也下添

道光十六年十月七字

○又十行恐下去不能二字添兩無所三字○十七

頁七行憂下添願字○二十八頁十八行山下添祖

字○三十一頁三行去第十九又字添善寶逐其子

於外而八字○又四行去聞字易得字○又十三行

第三字下添婉勸二字○又十四行善下添也字○

卷十七 六頁九行明字擡頭○七頁十三行第十五字

下添某字○八頁十一行焉字接十二行焜字中去

朝有錄事之褒六字

卷十八 六頁十八行研上添甄字○此下視銘若干首

舊本舛錯頗甚擬題亦頗蕪雜卽詩集中亦多此病
俟當更定下頁筆筒銘虎豹有文善藏器二首係拙
作誤入承鉅記○七頁八行貽上添琢晉泰始甄五
字巢下去先生硯銘四字○十四頁十四行連十五
行哉字接觀字

卷十九 八頁三行去一首二字

補遺 三頁六行第十一字下添之字○六頁十行誦下

添尤字○十三頁十一行補下添邑字○又十二行

第三字下添若孫二字○二十一頁二行爲下添賓

字○又六行詩下添亦字○又八行洛下去交如二字添一爲字○又弟下添交字

擺板後有寄藥來正字者得校錄其未寄者仍闕以俟